

"MIKRO S&E" d.o.o.
Broj 35726
10. 06. 2026 god.
Bijelo Polje

UGOVOR O NABAVCI - Nabavka polovnog teretnog vozila - kamion

Ovaj ugovor zaključen je između:

- 1. DOO Vodovod "Bistrica" Bijelo Polje**, sa sjedištem u Bijelom Polju, ul. Muha Dizdarević br. 8, PIB: 02004011, broj računa 510-2196-48, naziv banke: CKB banka, koga zastupa direktor Esad Mahmutović, s jedne strane (u daljem tekstu: **Naručilac**),
i
2. MIKRO S&E DOO BIJELO POLJE sa sjedištem u Bijelom Polju, ul Industrijska br. 21, PIB: 03150615, Broj računa: 520-22163-31, Naziv banke: Hipotekarna banke, koga zastupa direktor Sead Hodžić, s druge strane, (u daljem tekstu: **Dobavljač**).

OSNOV UGOVORA

Pregled postupka za nabavku roba: **Nabavka polovnog teretnog vozila – kamion**, broj 112006 od 3.4.2026. godine.

Odluka o izboru najpovoljnije ponude broj: 06-426/26-407/2 od 20.05.2026. godine.
Ponuda ponuđača Mikro S&E DOO Bijelo Polje – šifra ponude 159005 od 3.5.2026. godine.

Član 1

Izvršilac se obavezuje da isporuči robu polovno teretno vozilo - kamion, marka Volvo Model 240
1. Osnovni podaci: - Tip vozila: Kamion kiper sa dizalicom; - Godište: 2010; - Kilometraža: 455.000 km; - Emisioni standard: EURO 5. 2. Motor i pogon: - Snaga motora: 181 kW; - Zapremina motora: 7.146 cm³; - Vrsta goriva: Dizel; - Mjenjač: Manuelni; - Diferencijal: Sa blokadom (špera).
3. Dimenzije i kapacitet: - Nosivost: 4.000 kg; - Ukupna masa: 14.000 kg; - Broj osovin: 2; - Kapacitet kipera: 5 m³; - Tip kipanja: Trostrano. 4. Oprema: - Klima uređaj; - Audio sistem (muzika); - ABS; - ESP; - Tempomat. 5. Dodatna oprema: - Hidraulična dizalica; - Radni zahvat: 9 m; - Upravljanje: ručne komande. 6. Stanje vozila: - Vozilo spremno za registraciju; - Bez poznatih nedostataka. u svemu u skladu sa Pozivom za nadmetanje, Odlukom o izboru najpovoljnije ponude i ponudom, koja čini sastavni dio ovog ugovora.

Ukupna ugovorena vrijednost iznosi: **39.990,00 € bez PDV-a.**

Iznos PDV-a: 8.397,90 €.

Cijena sa uračunatim PDV-om: **48.387,90 €** (slovima: četrdeset osam hiljada tristotineosamdesetsedam eura i devedeset euro centi).

Član 2

Naručilac je dužan da izvrši plaćanje prema Izvršiocu u roku od 60 (šezdeset) dana, od dana potpisivanja ugovora.

Plaćanje će se vršiti virmanski prenosom sredstava sa računa Naručioca na žiro račun Izvršioca kod Hipotekarne banke na žiro račun broj: 520-22163-31.

Član 3

Troškovi transporta robe do naručioca, padaju na teret dobavljača.

Svaka reklamacija koja bude konstatovana u isporuci pada na teret dobavljača.

Mjesto isporuke je sjedište naručioca na adresi: Muha Dizdarevića 8, 84000 Bijelo Polje.

Ako se utvrdi da roba koju je dobavljač isporučio ne odgovara kvantitetu ili ima nedostatke u kvalitetu, naručilac će robu vratiti dobavljaču da istu zamijeni za robu odgovarajućeg kvaliteta i kvantiteta, po datoj ponudi.

Član 4

Dobavljač garantuje naručiocu kvalitet isporučene robe.

Ukoliko dobavljač reklamiranu robu ne isporuči u roku predviđenom u ponudi, od dana obavijesti, na paritetu franko prostorije naručioca, Naručilac ima pravo da od dobavljača nadoknadi stvarne troškove, kao i cjelokupnu štetu nastalu zbog kašnjenja u isporuci reklamirane robe.

Ako Dobavljač kasni sa isporukom u roku predviđenom u ponudi za reklamiranu robu naručilac može javnom nabavkom pod uslovima i načinu, koji mu se čini prihvatljivim u skladu sa zakonom izvršiti nabavku robe koja nije isporučena, a dobavljač će biti obavezan nadoknadati finansijski iznos razlike cijene robe nabavljene na ovaj način i cijene ugovorene neisporučene robe.

U slučaju da Dobavljač ne izvrši isporuku ugovorene robe ili ne izvrši svoje obaveze u skladu sa ovim ugovorom, odnosno ne isporuči robu odgovarajućeg kvaliteta, naručilac ima pravo da traži otklanjanje nedostataka ili može raskinuti ugovor.

Dobavljač je dužan u cjelosti nadoknaditi Naručiocu sve troškove prouzrokovane postupanjem u prethodnom stavu ovog člana.

GARANCIJA ZA DOBRO IZVRŠENJE UGOVORA

Član 5

Izvršilac se obavezuje da Naručiocu uz ugovor preda garanciju za dobro izvršenje ugovora za slučaj povrede ugovorenih obaveza u iznosu od 10% od vrijednosti ugovora, koja važi 12

(dvanaest) mjeseci od dana zaključivanja ugovora i koju će Naručilac aktivirati ukoliko Izvršilac ne izvrši svoje ugovorene obaveze.

ANTIKORUPCIJSKA KLAUZULA

Član 6

Ugovor o javnoj nabavci koji je zaključen uz kršenje antikorupcijskog pravila, u skladu sa odredbama člana 38 ZJN („Sl. list CG” br. 074/19, 3/23 i 11/23, 084/24), ništav je.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Član 7

Ugovorne strane su saglasne da do raskida ugovora može doći ako ugovorene strane ne budu izvršavale svoje obaveze u rokovima i na način predviđen ovim ugovorom.

Ovaj ugovor se može raskinuti sporazumom ugovornih strana, uz navođenje razloga za raskid.

Ugovorne strane su saglasne da sve eventualne sporove koji nastanu iz, ili povodom, ovog ugovora – ugovorne strane će pokušati da riješe sporazumno.

Ukoliko sporovi između ugovornih strana ne budu riješeni sporazumom, nadležan je sud u Bijelom Polju.

Član 8

Ovaj ugovor važi 12 (dvanaest) mjeseci od dana potpisivanja od strane Naručioca.

Član 9

Na sve što nije regulisano odredbama ovog ugovora, primijenit će se odredbe Zakona o obligacionim odnosima.

PRIMJERC I UGOVORA

Član 10

Ovaj ugovor je pravno valjano zaključen i potpisan od dolje navedenih ovlašćenih zakonskih zastupnika strana ugovora i sačinjen je u 4 (četiri) istovjetnih primjeraka, od kojih po 2 (dva) primjerka za NARUČIOCA i DOBAVLJAČA.

UGOVORNA STRANA

Naručilac
Vodovod "Bistrica" DOO
Bijelo Polje
Direktor
Esad Mahmutović



UGOVORNA STRANA

Dobavljač
Mikro S&E DOO
Bijelo Polje
Direktor
Sead Hodžić

